
TOUAZIÈM CHAPIT
Mouin kouè nan Éspri-Sin-an

ATIK 9
**« Mouin kouè légliz-la sin é li la pou tout
moun » (Sint Égliz katolik)**

PARAGRAF 1. *L'Egliz-la nan projè Bondié-a*

I. Non épi imaj l'Égliz-la

751 Mo « Égliz »-la [*ékklesia*, dapré grèk-la *ék-kalein*, « rélé fè soti »] vlé di « konvokasion ». Li dézigné rasanbléman pèp-la (cf. Ac 19, 39), an jénéral ak yon karaktè rélijyé. Sé mo sa-a yo anplouayé anpil foua nan Ansyin Téstaman grèk-la pou rasanbléman pèp yo chouazi-a dévan Bondié, sitou pou rasanbléman Sinayi-a koté Israèl té résévoua Laloua-a épi Bondié té vîn établi-l kòm pèp li-a ki sin-an (cf. Ex 19). Lè premié kominoté moun ki té kouè nan Kris-la té rélé tèt-li « Égliz », li té rékonèt sé éritié rasanbléman sa-a li té yé. Nan li Bondié « konvoké » pèp li-a sot nan tout limit tè-a. Mo *Kyriakè-a*, koté *Church*, *Kirche* vîn soti-a vlé di « sa-k pou Granmèt-la ».

752 Nan langaj krétyin-an, mo « Égliz »-la indiké asanblé litijik-la (cf. 1
1140, 832 Co 11, 18 ; 14, 19. 28. 34. 35), min tou kominoté ki nan yon koté
830 (kominoté lokal) (cf. 1 Co 1, 2 ; 16, 1) épi kominoté total tout moun ki
kouè-yo (cf. 1 Co 15, 9 ; Ga 1, 13 ; Ph 3, 6). An réalté yo pa kapab séparé
tous signifikasyon sa-yo. « Égliz »-la sé pèp-la Bondié rasanblé sot sou
tout tè-a. Li égzisté nan kominoté lokal-yo épi li réalizé kòm asanblé
litijik, sitou ékaristik. Li viv apati paròl Kris-la épi kò Kris-la, sé konsa li
vîn tounin kò Kris-la.

Sinbòl l'Égliz-la

753 Nan Sint-Ékritu-a nou jouinn anpil imaj ak konparézon ki konékté
youn ak lòt, ki pèmèt Révélasion-an palé osijè mistè l'Égliz-la ki pap tari.

- 781 Imaj yo pran nan Ansyin Téstaman-an sé variasion osijè minm idé-a ki
soutni yo, idé « pèp Bondié-a ». Nan Nouvo Téstaman-an (cf. Ep 1, 22 ;
789 Col 1, 18), tout imaj sa-yo vîn gin yon nouvo pouin santral poutèt Kris-la
tounin « Tèt » pèp sa-a (cf. LG 9) ki kò-li apati lè sa-a. Alantou pouin
santral-la gin lòt imaj ki vîn groupé « yo pran soua apati lavi gadyin
mouton-yo soua apati agrikilti-a, soua apati travay konstriksion oubyin
minm apati fanmi-an épi nòs-yo » (LG 6).
- 754 « Réyèlman l'Égliz-la sé yon *pak mouton* (bergerie), yon sèl pòt li
ginyin épi ki obligatoua sé Kris-la (cf. Jn 10, 1-10). Li sé yon bann
857 mouton tou, sa Bondié té anonsé davans sé li-minm ki pral gadyin-l (cf. Is
40, 11 ; Ez 34, 11-31), épi mouton-yo, minmsi yo gin moun kòm gadyin
k-ap minnin yo, sé Kris-la li-minm k-ap kondui yo épi nourri yo san rété,
li-minm bon Gadyin-an épi Chèf gadyin-yo (cf. Jn 10, 11 ; 1 P 5, 4), ki té
bay lavi-l pou mouton-yo (cf. LG 6 ; Jn 10, 11-15) ».
- 755 « L'Égliz-la sé *jardin* oubyin tè Bondié *ap kiltivé* (1 Co 3, 9). Nan tè
sa-a gin ansyin pié-oliv-la, sa sin Patriarch-yo té rasîn li-an, épi ladan-l
Juif-yo ak nasion-yo té rékonsilié épi ap gin pou rékonsilié (cf. Rm 11,
13-26). Sé kiltivatè ki sot nan sièl-la ki té planté-l tankou yon pié rézin yo
chouazi (cf. Mt 21, 33-43 par. ; cf. Is 5, 1-7). Véritab pié-rézin-an sé Kris-
la, antan l-ap bay branch-yo lavi épi fè yo donnin frui, sètadi nou-minm,
795 ki rété nan li palintèmediè l'Égliz-la, épi san li-minm nou pa kapab fè
anyin-an (cf. Jn 15, 1-5) » (LG 6).
- 756 « Anpil foua tou yo di l'Égliz-la sé *kay* Bondié *ap bati* (cf. 1 Co 3, 9).
Granmèt-la li-minm té konparé tèt-li ak ròch bòs mason-yo té réjité-a, min
857 ki vîn tounin mitan tèt kouin anlè-a (Mt 21, 42 par. ; cf. Ac 4, 11 ; 1 P 2,
7 ; Ps 118, 22). Sou fondman sa-a Apot-yo konstrui l'Égliz-la (cf. 1 Co 3,
11), apati fondman sa-a li résévoua solidité épi fòs ki kinbé-l ansanm. Yo
onoré konstriksion sa-a ak diféran non : kay Bondié (cf. 1 Tm 3, 15), koté
fanmi li-a abité, abitasion Bondié nan Éspri-a (cf. Ep 2, 19-22), tant
Bondié avèk moun-yo (cf. Ap 21, 3), épi sitou *tanp* sin, ki réprézanté nan
sanktuè yo fè ak ròch-yo, sa sin Pèr-yo fè louanj li-a, épi nan litiji-a yo gin
1045 rézon konparé ak Vil ki sin-an, nouvo Jérusalèm-nan. Nan li, réyèlman,
tankou ròch vivan, yo bati nou isit sou tè-a (cf. 1 P 2, 5). Sé Vil ki sin sa-a
Jan kontanplé, nan rénouvèlman tè-a, k-ap désann sot nan sièl-yo kot
Bondié, “ki abiyé tankou yon fi k-ap marié ki anbéli pou mari-l” (cf. Ap
21, 1-2) » (LG 6).
- 757 « L'Égliz-la tou, yo rélé-l “Jérusalèm ki anro-a” épi “Manman-nou”
507, 796 (Ga 4, 26 ; cf. Ap 12, 17) ; yo fè déskripsion-l kòm *Épouz* san tach
Mouton san tach-la (cf. Ap 19, 7 ; 21, 2. 9 ; 22, 17) sa Kris-la “té rinmin,
épi li rinmèt tèt-li pou li, pou-l té fè-l vîn sin” (Ep 5, 26), sa li asosié avèk
1616 pròp tèt-li nan yon Alians ki pap kasé épi san rété “li ba-l manjé, li souin-
l” (Ep 5, 29) » (LG 6).

II. Orijin, fondasion épi mision l'Égliz-la

758 Pou sondé mistè l'Égliz-la, yo doué toudabò médité sou orijin-li nan
257 projè Trè Sint Trinité-a épi sou progrésion réalizasion-l nan istoua-a.

Yon projè ki soti nan kè Papa-a

759 « Papa dépi anvan tout tan-an, nan sa jès ak bonté désizyon-l ki vrèman
293 lib épi ki kaché an mistè, té kréyé tout inivè-a épi té desidé pou-l lévé
moun-yo pou yo patispé nan lavi Bondié-a », sé la li rélé tout moun pou
yo vini nan Pitit li-a. « Moun-yo ki kouè nan Kris-la li établi pou-l rélé-yo
1655 ansanm nan sint Égliz li-a ». Sa-a sé « fanmi Bondié-a » épi l-ap réalisé
ofiamézi nan progrésion istoua moun-nan dapré dispozision Papa-a :
réyèlman vré, l'Égliz-la « déjà préfiguré apati kòmansman tè-a, nan istoua
pèp Israèl-la épi li préparé yon fason ékstraòdinè nan ansyin Alians-la, li
établi nan dènié tan-yo, li manifésté nan vidé yo vidé Éspri-a, épi alafin
sièk-yo l-ap rivé bout nan gloua-a » (LG 2).

Préfigirasion l'Égliz-la dépi orijin tè-a

760 « Inivè-a té kréyé poutèt [l'Égliz] sa-a », sé sa krétyin premié tan-yo té
konn di (Hermas, vis. 2, 4, 1 ; cf. Aristide, apol. 16, 6 ; Justin, apol. 2, 7).
Bondié té kréyé tè-a an konsidéran kominion nan lavi divîn li-an,
294 kominion ki réalisé palintèmediè « konvokasion » moun-yo nan Kris-la,
épi « konvokasion » sa-a sé l'Égliz-la. L'Égliz-la sé finalité tout bagay
(cf. S. Epiphane, hær. 1, 1, 5 : PG 41, 181C), épi tout alé-vini l-ap soufri-
209 yo, tankou déchéans anj-yo épi péché moun-nan, Bondié té pèmèt-yo kòm
okazion épi mouayin pou-l déplouayé tout puisans bra-l, tout mézi rinmin
li té vlé bay tè-a :

« Minm jan réyèlman volonté-l sé sa-l fè, épi sé sa yo rélé tè-a ; konsa tou
intansion-l sé sovè moun-yo, épi sé sa yo rélé l'Égliz-la » (Clément
d'Alexandrie, pæd. 1, 6).

L'Égliz-la – préparé nan Ansyin Alians-la

761 Rasanbléman Pèp Bondié-a kòmansé dépi moman koté péché-a té
détrui kominion moun-yo avèk Bondié épi youn ak lòt. Rasanbléman
55 l'Égliz-la sé tankou réaksion Bondié parapò a dézòd péché-a provoké-a.
Réyinion sa-a ap fèt an sékrè anndan tout pèp-yo : « Nan tout nasion,
moun ki krinn [Bondié], ki fè sa-k kòrèk, sé li minm li résévoua » (Ac 10,
35 ; cf. LG 9 ; 13 ; 16).

762 *Préparasion* ki pi louin pou rasanbléman pèp Bondié-a kòmansé ak
122, 522, 60 vokasion Abraam-nan, li-minm Bondié té promèt l-ap gin pou-l papa yon
gran pèp (cf. Gn 12, 2 ; 15, 5-6). Préparasion imédia-a kòmansé avèk
chouazi yo chouazi Israèl kòm pèp Bondié-a (cf. Ex 19, 5-6 ; Dt 7, 6).
Palintèmediè éléksion-l nan, Israèl té doué sign rasanbléman tout nasion-

64 yo (cf. Is 2, 2-5 ; Mi 4, 1-4). Min déjà Profèt-yo akizé Israèl poutèt li kasé Alians-la épi li konpòté-l tankou yon prostitué (libètîn) (cf. Os 1 ; Is 1, 2-4 ; Jr 2 ; etc.). Yo anonsé yon Nouvo Alians k-ap la pou tout tan (cf. Jr 31, 31-34 ; Is 55, 3). « Nouvo Alians sa-a sé Kris-la ki établi-l » (LG 9).

L'Égliz-la – sé Kris Jézu ki établi-l

763 Sé fonksion Pitit-la pou, nan plénitud tan-yo, li réalizé projè salu Papa-l la : sé rézon sa-a ki fè « yo voyé-l » (sé rézon « mision-l » nan) (cf. LG 3 ; AG 3). « Granmèt Jézu réyèlman fè kòmansman l'Égliz li-a antan-l
541 préché bòn nouvèl-la, sètadi Avènman Rouayòm Bondié-a yo té promèt dépi sièk nan Ékritu-yo » (LG 5). Pou-l akonpli volonté Papa-a, Kris-la té inogiré Rouayòm sièl-yo sou tè-a. L'Égliz-a sé « Rouayòm Kris-la ki déjà prézan an mistè » (LG 3).

764 « Rouayòm sa-a réyèlman vré kléré pou moun-yo nan paròl, travay ak
543 prézans Kris-la » (LG 5). Akéyi paròl Jézu sé « résévoua Rouayòm-nan minm » (ibid.). Jèm ak kòmansman Rouayòm-nan sé « ti bann mouton » (Lc 12, 32) sa-yo Jézu té vîn pou-l konvoké yo alantou-l épi sé li-minm ki Gadyin yo-a (cf. Mt 10, 16 ; 26, 31 ; Jn 10, 1-21). Sé yo ki vrè fanmi Jézu (cf. Mt 12, 49). Sa-yo li rasanblé alantou-l la, li aprann yo yon nouvo
1691 « mòd konpòtman », min tou yon priyé spésial (cf. Mt 5-6).
2558

765 Granmèt Jézu fòmé kominoté-l la ak yon strikti ki doué rété jous nan
860, 551 akonplisman Rouayòm-nan anplin. Toudabò té gin choua Douz-yo avèk Piè kòm chèf yo (cf. Mc 3, 14-15). Antan yo réprésanté douz tribu Israèl-yo (cf. Mt 19, 28 ; Lc 22, 30) yo sé ròch fondasion nouvo Jérusalèm-nan (cf. Ap 21, 12-14). Douz-yo (cf. Mc 6, 7) épi lòt disip-yo (cf. Lc 10, 1-2) patisipé nan mision Kris-la, nan pouvoua-l la, min tou nan destiné-l la (cf. Mt 10, 25 ; Jn 15, 20). Ak tout aksion sa-yo, Kris-la ap préparé épi bati l'Égliz li-a.

766 Min l'Égliz-la pran nésans sitou apati don total Kris-la pou sové nou-
813, 610, an, sa li antisipé nan institision Ékaristi-a épi li réalizé sou koua-a. « Sign
1340 kòmansman ak kouasans [l'Égliz-la] sé san ak dlo ki soti nan bò kòt Jézu
617 krisifié ki ouvri-a » (LG 3). « Paské nan bò kòt Kris-la k-ap dòmi sou koua-a sé la totalité mèvèy sakréman l'Égliz-la soti » (SC 5). Minm jan Èv té fòmé apati bò kòt Adan-an, konsa tou l'Égliz-la pran nésans apati kè
478 transpèsé Kris-la ki mouri sou koua-a (cf. S. Ambroise, Luc. 2, 85-89 : PL 15, 1583-1586).

L'Égliz-la – manifésté palintèmediè Éspri-Sin-an

767 « Lè travay Papa-a té rinmèt Pitit-la pou-l fè sou tè-a fîn akonpli
731 minm, li voyé Éspri-Sin-an jou Pantkot-la, pou-l sanktifé l'Égliz-la san rété » (LG 4). Lè sa-a « l'Égliz-la manifésté piblikman dévan foul mounnan épi Évanjil-la kòmansé gayé nan pami nasion-yo palintèmediè prédikasion-an » (AG 4). Paské l'Égliz-la sé « konvokasion » tout moun-

849 yo pou yo sovè-a, li misionè dapré pròp natu-li, sé Kris-la ki voyé-l al nan tout nasion-yo pou-l fè yo vîn disip » (cf. Mt 28, 19-20 ; AG 2 ; 5-6).

768 Pou-l réalizé mision-l, Éspri-Sin-an « fòmé l'Égliz-la épi dirijé-l ak diféran kado yérarchik épi karismatik » (LG 4). « Sé poutèt sa, l'Égliz-la ki fòmé ak kado Fondatè-l la épi antan-l konsèvé fidèlman kòmandman charité-l la, umilitéé-a épi rénonisman-an, résévoua mision pou-l anonse
541 Rouayòm Kris-la ak Bondié-a épi pou-l établi-l nan tout nasion-yo, li sé jèm épi kòmansman Rouayòm sa-a sou tè-a » (LG 5).

L'Égliz-la – akonpli nan gloua-a

769 « L'Égliz-la [...] sé sèlman nan gloua sièl-la l-ap akonpli » (LG 48),
671, 2818 nan Avènman Kris-la nan gloua-a. Jous nan kalité jou sa-a, « l'Égliz-la ap avansé nan pèlerinaj nan mitan pèsékision tè-a ak konsolasion Bondié-yo » (S. Augustin, civ. 18, 51 ; cf. LG 8). Sou tè-a bò isit li konnin sé an égzil li yé, louin Granmèt-la (cf. 2 Co 5, 6 ; LG 6), épi l-ap fè éfò pou Avènman Rouayòm-nan anplin, pou lè koté « l-ap fè youn nan gloua-a ak
675 Roua li-a » (LG 5). Akonplisman l'Égliz-la épi palintèmediè-l akonplisman tè-a nan gloua-a pap fèt san gran éprèv. Lè sa-a sèlman
1045 « tout moun kòrèk-yo dépi Adan, “apati Abèl ki té kòrèk-la jous nan dènié sa yo chouazi-a” y-ap rasanblé nan yon sèl l'Égliz-la bò kot Papa-a » (LG 2).

III. Mistè l'Égliz-la

770 L'Égliz-la nan istoua-a, min li dépasé-l an minm tan. « Sé sèlman yon
812 éspri ki kléré ak lafoua-a » (Catech. R. 1, 10, 20) ki kapab ouè nan réalité vizib li-a yon réalité spirituèl k-ap poté lavi Bondié-a.

L'Égliz-la – an minm tan vizib épi spirituèl

771 « Kris-la, sèl médiatè-a établi sint Égliz li-a épi l-ap soutni-l san rété
827 kòm yon kominoté lafoua, éspérans ak charité sou tè-a, tankou yon rasanbléman vizib k-ap vidé vérité-a ak lagras-la sou tout moun ». L'Égliz-la sé an minm tan :

- 1880 – « yon sosiété [...] ki établi ak ògàn yérarchik épi kò mistik Kris-la » ;
- « yon asanblé vizib épi yon kominoté spirituèl » ;
- 954 – « yon Égliz sou tè-a épi yon Égliz ki anrichi ak byin sièl-yo ».

Dimansion sa-yo an minm tan « fòmé yon sèl réalité-a ki kinbé divès aspè, ki fèt apati yon éléman dapré moun-nan épi yon éléman dapré Bondié » (LG 8) :

L'Égliz-la gin kòm « karaktè pròp pou-l yon réalité moun épi Bondié an minm tan, vizib épi rich ak sa-k invizib-yo, ki cho nan aksion-an épi k-ap okipé kontanplasion-an, ki prézan sou tè-a époutan ki an pèlerinaj ; épi konsa

minm pou, nan li, sa-k dapré moun-nan fèt pou sa-k dapré Bondié-a épi li soumèt anba-l, sa-k vizib-la fèt pou invizib-la, aksion-an fèt pou kontanplasion-an, épi sa-k prézan-an fèt pou vil ki gin pou vini-an n-ap chèché-a » (SC 2).

« Ala li tou pòv ! Ala li ékstraòdinè ! Alafoua tant Kédar épi sanktuè Bondié ; alafoua tant sou tè-a épi palè sièl-la ; alafoua kay labou épi palè rouoyal ; alafoua kò k-ap mouri épi tanp limiè ; alafoua méprizab anfin pou sa-k gin ògèy-yo épi épouz Kris-la. Mouin noua, min mouin bèl, pitit fi Jérusalèm-yo : paské minm si-l pèdi koulè poutèt soufrans ak doule yon égzil k-ap diré, poutan li dékoré ak bèlté sièl-la » (S. Bernard, Cant. 27, 7, 14 : PL 183, 920D).

L'Égliz-la – mistè moun-nan ki fè youn ak Bondié

772 Nan l'Égliz-la, Kris-la akonpli épi révéle pròp mistè pa-l la kòm
518 aboutisman projè Bondié-a : « réprann tout bagay nan tèt nan Kris-la »
796 (Ep 1, 10). Sin Pòl rélé union Kris-la kòm épou ak l'Égliz-la « mistè [ki]
gran-an » (Ep 5, 32). Paské l'Égliz-la fè youn ak Kris-la tankou ak Épou
li-a (cf. Ep 5, 25-27), li-minm tou vîn tounin yon mistè (cf. Ep 3, 9-11).
Antan sin Pòl ak kontanplé mistè sa-a nan li, li déklaré : « Kris-la,
éspérans gloua-a nan nou » (Col 1, 27).

773 Nan l'Égliz-la, kominion sa-a ant moun-yo avèk Bondié palintèmediè
671 charité-a « ki pap janm pasé »-a (1 Co 13, 8) sé finalité ki orienté tout sa
ki mouayin sakramantèl nan li ki gin konéksion ak tè sa-a k-ap pasé-a (cf.
LG 48). « Tout òganizasion l'Égliz-la orienté nan sanktifikasion manb-yo
nan Kris-la. Pi plis toujou sé dapré “mistè ki gran” sa-a pou yo jijé kalité
lavi sin li-a koté Épouz-la korésponn ak kado Épou-a ak kado pròp rinmin
pa-l la » (MD 27). Sé Mari ki pran dévan nou tout nan viv sin-an ki mistè
972 l'Égliz-la, nan mézi li sé Épouz-la ki pa gin tach ni rid (Ep 5, 27). Sé
poutèt sa « dimansion marial l'Égliz-la vini anvan dimansion pétrinyin-
an » (MD 27).

L'Égliz-la – sakréman inivèsèl pou sové-a

774 Mo grèk *mysterion*-nan yo té tradui-l an latin ak dé mo : *myste-*
1075 *rium* épi *sacramentum*. Nan fason yo intèprété yo apré, mo *sacramentum*-
nan plis éksprimé sign vizib réalité sové nou sové-a ki kaché-a, sa mo
mysterium-nan dézigné-a. Nan sans sa-a, Kris-la li-minm sé mistè ki sové
nou-an : « réyèlman pa gin lòt mistè Bondié pasé Kris-la » (S. Augustin,
515 ep. 187, 11, 34 : PL 33, 845). Travay li fè ak sa-l yé kòm moun ki sin épi
ki sanktifié pou sové nou-an sé sakréman ki sové nou-an, sa-k manifésté
épi travay nan sakréman l'Égliz-la (sé sa l'Égliz Oriental-yo rélé « sin
2014 mistè-yo » tou). Sèt sakréman-yo sé sign ak instriman Éspri-Sin-an sèvi
ak yo pou vidé lagras Kris-la ki Tèt-la nan l'Égliz-la ki kò li-a. L'Égliz-la
1116 donk gin lagras sa-a anndan-l yon fason invizib épi li kominiké-l, li-minm
li sé sign li-a. Nan sans analojik sa-a, yo rélé-l « sakréman ».

- 775 « L'Égliz-la, « nan Kris-la sé tankou sakréman oubyin sign ak instriman union intim avèk Bondié-a épi unité tout ras moun-nan » (LG 1) : tounin sakréman *union intim moun-yo avèk Bondié* : sé sa ki premié finalité l'Égliz-la. Paské kominion moun-yo youn ak lòt anrasiné nan fè youn avèk Bondié-a, l'Égliz-la tou sé sakréman *unité ras moun-nan*. Nan li, unité sa-a déjà kòmansé, paské li rasanblé moun-yo « sot nan tout kalité nasion, ras, pèp ak lang » (Ap 7, 9) ; an minm tan l'Égliz-la sé « sign ak instriman » réalizasion anplin unité sa-a ki gin pou-l vini toujou.
- 776 Kòm sakréman, l'Égliz-la sé instriman Kris-la. « Kris-la pran-l kòm instriman Rédanmsion tout moun-yo » (LG 9), « sakréman inivèsèl pou sovè nou » (LG 48), palintèmédiè-l Kris-la « manifésté mistè rinmin Bondié-a pou moun-yo épi li réalizé-l an minm tan » (GS 45, § 1). Li « sé projè vizib rinmin Bondié-a aléga ras moun-nan » (Paul VI, discours 22 juin 1973) ki vlé « pou tout ras moun-nan vîn fòmé yon sèl pèp Bondié-a, ki rasanblé nan yon sèl kò Kris-la, ki bati ansanm nan yon sèl tanp Éspri-Sin-an » (AG 7 ; cf. LG 17).

RÉZIMÉ

- 777 *Mo « Égliz »-la vlé di « konvokasion ». Li dézigné asanblé moun-yo Paròl Bondié-a konvoké pou yo fòmé pèp Bondié-a épi, antan yo nourri ak kò Kris-la, yo vîn tounin yo-minm tou kò Kris-la.*
- 778 *L'Égliz-la sé an minm tan chémin épi finalité projè Bondié-a : li préfigiré nan kréasion-an, li préparé nan Ansyin Alians-la, li fondé nan paròl ak aksion Jézu-Kri, li réalizé apati koua-l la ki rachté nou-an nan Réziréksion-l nan, li manifésté kòm mistè ki sovè nou-an lè yo vidé Éspri-Sin-an. L-ap akonpli nan gloua sièl-la kòm asanblé tout moun yo rachté sot sou tè-a (cf. Ap 14, 4).*
- 779 *L'Égliz-la an minm tan vizib épi spirituèl, yon sosiété yérarchik épi kò mistik Kris-la. Sé yon sèl li yé antan-l fòmé ak yon doub éléman dapré moun épi dapré Bondié. Sé la mistè-l la yé, sa yo kapab résévoua sèlman nan lafoua-a.*
- 780 *Sou tè sa-a, l'Égliz-la sé sakréman k-ap sovè nou, sign épi instriman kominion Bondié ak moun-yo.*